





六一居士傳

文首曠達歐公所自解脫在此

六一居士初謫滁山。自號醉翁。既老而衰且病。將退休於潁水之上。則又更號六一居士。客有問曰。六一何謂也。居士曰。吾家藏書一萬卷。集錄三代以來金石遺文一千卷。有琴一張。有碁一局。而常置酒一壺。客曰。是爲五一爾。奈何。居士曰。以吾一翁老於此五物之間。是豈不爲六



具區云具一  
之名古而逸  
其取義亦甚  
疎公故慕樂  
天風流而追  
踪其曠澹之  
趣耳

一乎。客笑曰。子欲逃名者乎。而屢易其號。此莊  
生所謂畏影而走乎日中者也。余將見子疾走  
大喘渴死。而名不得逃也。居士曰。吾固知名之  
不可逃。然亦知夫不必逃也。吾爲此名聊以志  
吾之樂爾。客曰。其樂如何。居士曰。吾之樂可勝  
道哉。方其得意於五物也。大山在前而不見。疾  
雷破柱而不驚。雖響九奏於洞庭之野。閱大戰  
於涿鹿之原。未足喻其樂且適也。然常患不得

極吾樂於其間者。世事之爲吾累者衆也。其大  
者有二焉。軒裳珪組。勞吾形于外。憂患思慮。勞  
吾心于內。使吾形不病而已悴。心未老而先衰。  
尚何暇於五物哉。雖然。吾自乞其身於朝者三  
年矣。一日天子惻然哀之。賜其骸骨。使得與此  
五物偕返於田廬。庶幾償其夙願焉。此吾之所  
以志也。客復笑曰。予知軒裳珪組之累其形。而  
不知五物之累其心乎。居士曰。不然。累於彼者



已勞矣。又多憂。累於此者。既佚矣。幸無患。吾其何擇哉。於是與客俱起。握手大笑曰。置之區區。不足較也。已而歎曰。夫士少而仕。老而休。蓋有不待七十者矣。吾素慕之。宜去一也。吾嘗用於時矣。而訖無稱焉。宜去二也。壯猶如此。今既老且病矣。乃以難強之筋骸。貪過分之榮祿。是將違其素志而自食其言。宜去三也。吾負三宜去。雖無五物。其去宜矣。復何道哉。熙寧三年九月

七日六一居士自傳。



胡先生墓表

胡安定生平所著見者師道一節  
故通篇摹寫盡在此

先生諱瑗字冀之。姓胡氏。其上世爲陵州人。後  
爲秦州如臯人。先生爲人師言行而身化之。使  
誠明者達。昏愚者勵。而頑傲者革。故其爲法嚴  
而信。爲道久而遵。師道廢久矣。自景祐明道以

守溪云思理  
醇致機備豐  
郁



來○學○者○有○師○惟○先○生○暨○泰○山○孫○明○復○石○守○道○三○  
人○而○先○生○之○徒○最○盛○其○在○湖○州○之○學○弟○子○去○來○  
常○數○百○人○各○以○其○經○轉○相○傳○授○其○教○學○之○法○最○  
備○行○之○數○年○東○南○之○士○莫○不○以○仁○義○禮○樂○為○學○  
慶○曆○四○年○天○子○開○天○章○閣○與○大○臣○講○天○下○事○始○  
慨○然○詔○州○縣○皆○立○學○於○是○建○太○學○於○京○師○而○有○  
司○請○下○湖○州○取○先○生○之○法○以○為○太○學○法○至○今○為○  
著○令○後○十○餘○年○先○生○始○來○居○太○學○學○者○自○遠○而○

至太學不能容取旁官署以為學舍禮部貢舉  
歲所得士先生弟子十常居四五其高第者知  
名當時或取甲科居顯仕其餘散在四方隨其  
人賢愚皆循循雅飭其言談舉止不問可知為  
先生弟子其學者相語稱先生不問可知為胡  
公也先生初以白衣見天子論樂拜秘書省校  
書郎辟丹州軍事推官改密州觀察推官丁父  
憂去職服除為保寧軍節度推官遂居湖學召

具區云形容  
語極懇款然  
胡先生弟子  
皆有經濟此  
第云循之雅  
飭惜猶不詳  
其實用也



純是胡安室  
結果

爲諸王宮教授。以疾免。已而以太子中舍致仕。遷殿中丞於家。皇祐中。驛召至京師。議樂。復以爲大理評事。兼太常寺主簿。又以疾辭。歲餘。爲光祿寺丞。國子監直講。廼居太學。遷大理寺丞。賜緋衣銀魚。嘉祐元年。遷太子中允。充天章閣侍講。仍居太學。已而病不能朝。天子數遣使者存問。又以太常博士致仕。東歸之日。太學之諸生與朝廷賢士大夫送之東門。執弟子禮。路人

守溪云專以  
師道表其大  
節正學大史  
公諸傳

嗟歎以爲榮。以四年六月六日卒于杭州。享年六十有七。以明年十月五日。葬于烏程何山之原。其世次官邑與其行事。莆陽蔡君墓。具誌于幽堂。嗚呼。先生之德在乎人。不待表而見於後世。然非此無以慰學者之思。乃揭于其墓之原。六年八月三日。廬陵歐陽脩述。



石曼卿墓表

以悲慨帶叙事歐陽公知得曼卿  
如印在心故描畫得會哭會笑

曼卿諱延年。姓石氏。其上世爲幽州人。幽州入于契丹。其祖自成始。以其族間<sup>奇</sup>走南歸。天子嘉其來。將祿之。不可。乃家于宋州之宋城。父諱補之。官至太常博士。幽燕俗勁武。而曼卿少亦以氣自豪。讀書不治章句。獨慕古人奇節偉行非



守溪云風豪  
可佳頗似荆  
卿傳其精神  
專惜其有奇  
而不用

常之功。視世俗屑屑無足動其意者。自顧不合。於時乃一混于酒。然好劇飲大醉。頽然自放。由是益與時不合。而人之從其遊者。皆知愛曼卿。一篇杜子落落可奇。而不知其才之有以用也。年四十八。康定二年二月四日。以太子中允秘閣校理卒于京師。曼卿少舉進士不第。真宗推恩三舉進士。皆補奉職。曼卿初不肯就。張文節公素奇之。謂曰。母老乃擇祿邪。曼卿矍然起就之。遷殿直。

以下節之暗  
條出才之有  
以用處

久之。改太常寺太祝。知濟州金鄉縣。歎曰。此亦可以為政也。縣有治聲。通判乾寧軍。丁母永安縣君李氏憂服除。通判永靜軍。皆有能名。充館閣校勘。累遷大理寺丞。通判海州。還為校理。莊獻明肅太后臨朝。曼卿上書請還政天子。其後太后崩。范諷以言見幸。引嘗言太后事者。遽得顯官。欲引曼卿。曼卿固止之。乃已。自契丹通中國。德明盡有河南。而臣屬遂務休兵養息。天下



具區云此篇  
更覺磊落而  
清疎可誦

才之有以用  
如此

晏然。內外弛武。三十餘年。曼卿上書言十事。不  
報。已而元昊反。西方用兵。始思其言。召見。稍用  
其說。籍河北河東陝西之民。得鄉兵數十萬。曼  
卿奉使籍兵河東。還稱旨。賜緋衣銀魚。天子方  
思盡其才。而且病矣。既而聞邊將有欲以鄉兵  
捍賊者。笑曰。此得吾粗也。夫不教之兵。勇怯相  
雜。若怯者見敵而動。則勇者亦率而潰矣。今或  
不暇教。不若募其敢行者。則人人皆勝兵也。其

印證視世局  
無足動其意  
者

視世事落可奇。蔑若不足為。及聽其施設之方。雖精思  
深慮。不能過也。狀貌偉然。喜酒出脫混花酒。自豪。若不可繩  
以法度。退而質其平生。趣舍大節。無一悖於理  
者。遇人無賢愚。皆盡忻懽。及可否天下。是非善  
惡。當其意者。無幾人。其為文章勁健。稱其意氣。  
有子濟滋。天子聞其喪。官其一子。使祿其家。既  
卒之。三十七日。塋于太清之先塋。其友歐陽脩  
表於其墓曰。



守溪云  
贊語珍重有  
關係然此等  
語不可漫施  
於人必當其  
人方有精彩  
故文章有真  
贗也

嗚呼曼卿。寧自混以爲高。不少屈以合世。可謂  
自重之士矣。一轉九妙士之所負者愈大。則其自顧也愈  
重。打轉前自顧愈重。則其合愈難。然欲與共大事。立奇  
功。非得難合自重之士。不可爲也。古之魁雄之  
人。未始不負高世之志。故寧或毀身污迹。卒困  
於無聞。或老且歿。而幸一遇。猶克少施于世。若  
曼卿者。非徒與世難合。而不克所施。亦其不幸  
不得至乎中壽。其命也夫。其可哀也夫。

右班殿直贈右羽林軍將軍唐君墓表

撰次封君墓表此為最調

守溪云氣矜  
特

嘉祐四年冬。天子既受祿享之福。推恩羣臣。並  
進爵秩。既又以其親。若在若亾。無有中外遠  
邇。於是天章閣待制尚書戶部員外郎唐君得  
贈其皇考。驍衛府君爲右羽林將軍。府君諱拱  
字某。其先晉原人。後徙爲錢塘人。曾祖諱休復。  
唐天復中舉明經。爲建威軍節度推官。祖諱仁



且區云封君  
必無可稱述  
而以子方之

恭仕吳越王為唐山縣令。累贈諫議大夫。父諱  
謂。官至尚書職方郎中。累贈禮部尚書。府君以  
父廕補太廟齋郎。改三班借職。再遷右班殿直。  
監舒州孔城鎮澧州酒稅。巡檢泰州鹽場。漳州  
兵馬監押。乾興元年七月某日以疾卒于官。享  
年四十有六。府君孝悌于其家。信義於其朋友。  
廉讓於其鄉里。其居於官。名公鉅人皆以為材。  
而未及用也。享年不永。君子哀之。有子曰介。字

收得畧

好

所概顯之自  
覺風生

子方舉進士。皇祐中嘗為御史。以言事切直。貶  
春州別駕。當是時子方之風竦動天下。已而天  
子感悟。貶未至而復用之。今列侍從。居諫官。自  
子方為秘書丞。始贈府君為太子右清道率府  
率。其為尚書主客員外郎。殿中侍御史裏行。又  
贈府君為右監門衛將軍。其為尚書工部員外  
郎。直集賢院。權開封府判官。又贈府君為右屯  
衛將軍。其遷戶部員外郎。河東轉運使。又贈府



君爲驍衛將軍。蓋自登于朝。以至榮顯。遇天子。有事于天地宗廟。推恩必及焉。府君初娶博陵崔氏。贈仙游縣太君。後娶崔氏。贈清河縣太君。皆衛尉卿仁冀之女。生一男。介也。五女。長適太子中舍廬圭。次適歐陽昊。早卒。次適橫州推官高定。次適進士陸平仲。次適著作佐郎陳起。慶曆三年八月某日。以府君及二夫人之喪。合塋于江陵龍山之東原。後十有七年。廬陵歐陽脩

乃表於其墓曰。

議論

嗚呼。余於此見朝廷所以褒寵勸勵臣子之意。豈不厚哉。又以見士之爲善者。雖湮沒幽鬱。其潛德隱行。必有時而發。而遲速顯晦。在其子孫。然則爲人之子者。其可不自勉哉。蓋古之爲子者。祿不逮養。則無以及其親矣。今之爲子者。有克自立。則尚有榮名之寵焉。其所以教人之孝者。篤於古也。深矣。子方進用於時。其所以榮其

守溪云  
以此爲唐子  
方之顯其親  
似猶屬第二  
義



親者。未知其止也。姑立表以待焉。

### 連處士墓表

表處士並從里人之感歎處着色自

是一法長厚之行長厚之言

連處士。應山人也。以一布衣終于家。而應山之  
人。至今思之。其長老教其子弟。所以孝友恭謹  
禮讓而溫仁。必以處士爲法。曰。爲人如連公足  
矣。其矜寡孤獨凶荒饑饉之人。皆曰。自連公亾。  
使吾無所告依而生。以爲恨。嗚呼。處士居應山。



具區云處士  
有風節可重  
宜得此文以  
不泯也

非有政令恩威以親其人。而能使人如此。其所謂行之以躬。不言而信者歟。處士諱舜賓。字輔之。其先閩人。自其祖光裕。嘗爲應山令。後爲磁郢二州推官。卒而反葬應山。遂家焉。處士少舉毛詩。一不中。而其父正以疾廢于家。處士供養左右十餘年。因不復仕進。父卒。家故多貲。悉散以贖鄉里。而教其二子以學。曰。此吾貲也。歲饑。出穀萬斛以糶。而市穀之價。卒不能增。及旁近

縣之民皆賴之。盜有竊其牛者。官爲捕之。甚急。盜窮。以牛自歸。處士爲之媿謝。曰。煩爾送牛。厚遺以遣之。嘗以事之信陽。遇盜於西關。左右告以處士。盜曰。此長者不可犯也。捨之而去。處士有弟居雲夢。往省之。得疾而卒。以其柩歸應山。應山之人。去縣數十里。迎哭。爭負其柩。以還過縣市。市人皆哭。爲之罷市三日。曰。當爲連公行喪。處士生四子。曰庶。庠。庸。膺。其二子教以學者。



後皆舉進士及第。今庶爲壽春令。庠爲宜城令。處士以天聖八年十二月某日卒。慶曆二年某月日葬于安陸蔽山之陽。自卒至今二十年。應山之長老識處士者。與其縣人嘗賴以爲生者。往往尚皆在其子弟。後生聞處士之風者。尚未遠使更三四世。至于孫曾。其所傳聞有時而失。則懼應山之人不復能知處士之詳也。乃表其墓以告于後云。八年閏正月一日廬陵歐陽脩

述。

荆川云連處士節概已噴。應山人口得此文更可千古不磨。



瀧岡阡表

幼孤而欲表父之德也。於其母之言故焉得體。

嗚呼。惟我皇考崇公。卜吉于瀧岡之六十年。其子脩始克表於其阡。非敢緩也。蓋有待也。脩不幸生四歲而孤。太夫人守節自誓。居貧自力。於衣食以長以教。俾至於成人。太夫人告之曰。汝父爲吏廉而好施與。喜賓客。其俸祿雖薄。常不



守溪云  
淋漓悲愴情  
理自真

使有餘。曰毋以是為我累。故其亾也。無一瓦之覆。一壠之植。以庇而為生。吾何恃而能自守邪。○疏○曲○吾於汝父。知其一二。以有待於汝也。自吾為汝家婦。不及事吾姑。然知汝父之能養也。汝孤而幼。吾不能知汝之必有立。然知汝父之必將有後也。吾之始歸也。汝父免於母喪。方逾年歲時。祭祀則必涕泣。曰。祭而豐。不如養之薄也。間御酒食。則又涕泣。曰。昔常不足。而今有餘。其何及。

守溪云仁人  
與已之情名  
言警策真有  
足動仁人者  
而四顧悽然  
寧無格後之  
思哉

也。吾始一二見之。以為新免於喪。適然耳。既而其後常然。至其終身。未嘗不然。吾雖不及事姑。而以此知汝父之能養也。汝父為吏。嘗夜燭治官書。屢廢而歎。吾問之。則曰。此死獄也。我求其生。不得。爾。吾曰。生可求乎。曰。求其生而不得。則死。者與我皆無恨也。矧求而有得邪。以其有得。則知不求而死者有恨也。夫常求其生。猶失之。死。而世常求其死也。回顧乳者抱汝而立于旁。



因指而歎曰。術者謂我歲行在戌。將死。使其言然。吾不及見兒之立也。後當以我語告之。其平居教他子弟。常用此語。吾耳熟焉。故能詳也。其施於外事。吾不能知。其居於家。無所矜飾。而所爲如此。是真發於中者邪。嗚呼。其心厚於仁者邪。此吾知汝父之必將有後也。汝其勉之。夫養不必豐。要於孝。利雖不得博於物。要其心之厚於仁。吾不能教汝。此汝父之志也。以上並母之言脩泣而志之。

不敢忘。先公少孤力學。咸平三年進士及第。爲道州判官。泗綿二州推官。又爲泰州判官。享年五十有九。塋沙溪之瀧岡。太夫人姓鄭氏。考諱德儀。世爲江南名族。太夫人恭儉仁愛而有禮。初封福昌縣太君。進封樂安安康彭城三郡太君。自其家少微時。治其家以儉約。其後常不使過之。曰。吾兒不能苟合於世。儉薄所以居患難也。其後脩貶夷陵。大夫人言笑自若。曰。汝家故

具區云與崇  
不常不使有  
餘相應



貧賤也。吾處之有素矣。汝能安之。吾亦安矣。自  
到此。根。次。世。家。恩。榮。  
先公之亾二十年。脩始得祿而養。又十有二年。  
列官于朝。始得贈封其親。又十年。脩爲龍圖閣  
直學士。尚書吏部郎中。畱守南京。大夫人以疾。  
終于官舍。享年七十有二。又八年。脩以非才入  
副樞密。遂參政事。又七年而罷。自登二府。天子  
推恩褒其三世。益自嘉祐以來。逢國大慶。必加  
寵錫。皇曾祖府君累贈金紫光祿大夫太師中

書令曾祖妣累封楚國太夫人皇祖府君累贈  
金紫光祿大夫太師中書令兼尚書令祖妣累  
封吳國太夫人皇考崇公累贈金紫光祿大夫  
太師中書令兼尚書令皇妣累封越國太夫人  
今上初郊。皇考賜爵爲崇國公。太夫人進號魏  
國。於是小子脩泣而言曰。嗚呼。爲善無不報。而  
遲速有時。此理之常也。惟我祖考積善成德。宜  
享其隆。雖不克有於其躬。而賜爵受封。顯榮褒

其區云身爲  
追誦其先只  
宜如此下語



大實有三朝之錫命。是足以表見於後世。而庇  
賴其子孫矣。乃列其世譜。具刻于碑。既又載我  
皇考崇公之遺訓。太夫人之所以教。而有待於  
脩者。並揭于阡。俾知夫小子脩之德薄。能鮮。遭  
時竊位。而幸全大節。不辱其先者。其來有自。熙  
寧三年。歲次庚戌。四月辛酉朔。十有五日乙亥。  
男推誠保德崇仁翊戴功臣。觀文殿學士。特進  
行兵部尚書。知青州軍州事。兼管內勸農使。充

京東東路安撫使。上柱國。樂安郡開國公。食邑  
四千三百戶。食實封一千二百戶。脩表。







